

মিষ্টি বাচ্চারা -- কখনো মতভেদে এসে পড়া ছেড়ো না, পড়া ছাড়লে মায়া অজগরের পেটে চলে যাবে

প্রশ্ন :- এ কোনো কমন সংসঙ্গ না হওয়ার কারণে বাবাকে কোন বিষয়ে বাচ্চাদের সাবধান করতে হয় ?

উত্তর :- এ দুনিয়ার সংসঙ্গের মতো সংসঙ্গ নয়, এখানে তো পবিত্র হওয়ার শিক্ষা মেলে। পবিত্র হতে গেলে মায়ার বিঘ্ন আসে তাই বাবাকে বার বার সাবধান করতে হয়। বাচ্চারা, কখনও যা কিছুই হোক না কেন - তোমরা সুখ - দুঃখ, নিন্দা - স্তুতি শুনেও পড়া কখনোই ছেড়ো না।

২) নিজেদের অতি চালাক মনে করে কারোর গ্লানি কোরো না। মায়া বড়ই চঞ্চল। যদি বাবার প্রতি রাগ করে পড়া ছেড়ে দাও তাহলে মায়া মাথা মুড়িয়ে নেবে। অশুভস্ব এসে যাবে। তাই শ্রীমতে চলতে থাকো। বাপদাদার রায়ে কখনো টীকা - টিপ্পনী করো না।

গীত :- তোমার পথের আমার মরণ

ওম শান্তি। এ তো বাচ্চারা জানে, তারা বলে যখন আমরা আপনার হয়েই গেছি তখন এই পুরানো দুনিয়া তো শেষ হতেই হবে। এ হলো বেহদের রাবণের লক্ষা যার বিনাশ হতেই হবে। শ্রীলঙ্কায় যে লক্ষার কথা বলা হয়, সে তো সম্পূর্ণ মিথ্যা। শ্রীলঙ্কা সমুদ্রের মাঝখানে এক দ্বীপ। বেহদের বাবা বোঝান যে এই সম্পূর্ণ দুনিয়া হলো সমুদ্রের ওপর, চারিদিকেই সমুদ্র। দেখানো হয় -- ভাস্কোদাগামা চারিদিকে চক্র লাগিয়ে ঘুরে এসেছিলো আর আবিষ্কার করেছিলো যে এই ধরিত্রী জলের ওপর দাঁড়িয়ে আছে। এ এক বাজি হয়ে গিয়েছিলো। এ হলো এক বেহদের আইল্যান্ড। রাবণের এই রাজ্য বেহদের আইল্যান্ডের ওপর আছে। এ হলো বেহদের লক্ষা। কেবলমাত্র শ্রীলঙ্কা নয়। সেই সময় তো এখনই। শাস্ত্রতোও এই নিয়ে কত গল্পকথা লিখে দিয়েছে। আমরাও ভাবতাম যে সম্ভবত এমনই হয়ে থাকবে। এখন আমাদের বুদ্ধির তালা খুলে গেছে। মানুষ তো ভাবে বানর সৈন্য নিয়েছিলো, তারা পাথর ছুড়ে সেতু বানিয়েছিলো, লঙ্কায় আগুন ধরিয়ে দিয়েছিলোবসে বসে কত কথাই না বানিয়েছে। আগুন তো এই সময় সারা দুনিয়ায় লেগেছে। এই ভারত অবিনাশী বাবার অবিনাশী জন্মভূমি, তাই একে অবিনাশী খণ্ড বলা হয়। বরাবর ভারত প্রাচীন ছিলো, এখন তোমাদের বুদ্ধিতে বসেছে - বরাবর ভারতই অবিনাশী খণ্ড ছিলো। এখন যে যে খণ্ড আছে তা সবই শেষ হয়ে যাবে, বিনাশ জ্বালায় (অগ্নিতে)। এই বিনাশ জ্বালা এই যজ্ঞেই প্রজ্জ্বলিত হয়েছে। লড়াই এখন থেকেই শুরু হয়েছে। এখন তো কেবল ছোটো ছোটো রিহাসাল। তোমাদের বুদ্ধিতে আছে যে সারা দুনিয়াই এখন রাবণ রাজ্য। এর এখন অন্তিম সময় আর রাম রাজ্যের আদি সময়। এইকথা আর কারোরই বুদ্ধিতে আসবে না। তোমরা এই অল্প ব্রাহ্মণরাই জানতে পারো। তোমরা বুঝতেও পারো যে এই সম্পূর্ণ দুনিয়া এখন সমাপ্ত হয়ে যাবে। আমরা বাবার গলার হার হয়ে যাবো তারপর নতুন দুনিয়ায় আসবো। এই পৃথিবীর ইতিহাস এবং ভৌগলিক অবস্থান হুবহু রিপিট হয়। এই চক্র কত সুন্দর। কলিযুগের অন্ত আর সত্যযুগের আদি, এইসময় সমস্ত ধর্ম অবশ্যই আছে। এই ইতিহাস অবশ্যই রিপিট হয়, অর্থাৎ কলিযুগের পরে সত্যযুগ অবশ্যই আসে। যেমন দিনের পরে রাত আর রাতের পরে দিন অবশ্যই হয়। এমন তো হয় না যে রাত এলোই না। বাবা এসে সমস্ত রহস্য বুঝিয়ে বলেন। আমরা অভিনেতারা

কেমন ভাবে ৮৪ জন্মগ্রহণ করি তাও তো জানা চাই। ৮৪ লাখ জন্মের তো কোনো কথাই নেই। কল্পের আয়ুই তো ৫ হাজার বছর। দুনিয়ার মানুষরা তো তোমাদের বলে যে শাস্ত্রে তো এইকথা নেই, এ তো তোমাদের কল্পনা। না জানার জন্য এই কথাই তো বলবে, তাই না। তারা তো শাস্ত্রই পড়ে তাই তাদের কোনো দোষ নেই। বাবা বলেন যে, সত্যযুগে তো শাস্ত্র, কাহিনী বা উপন্যাস ইত্যাদি থাকবে না। সেখানে তো ভারত সম্পূর্ণ সত্যখণ্ড হয়ে যায়। ভারত খণ্ড হলো সবথেকে বড় তীর্থ। এখানের সোমনাথ মন্দির কত বড়। এমন মন্দির কখনো কোথাও হতে পারবে না। তোমরা সংবতও বানাতে পারো। আজ থেকে অমুক সময়ে ভক্তি শুরু হবে। প্রথমে লক্ষ্মী - নারায়ণই পূজারী হবে, তখন এক মুকুট হবে। শিববাবার সোমনাথ মন্দির বানাতে। আবারও মহম্মদ গজনী লুণ্ঠন করবে। এইকথা বাচ্চারা তোমাদের বাবাই বসে বোঝান। বলা হয় ভগবান এসেছিলেন - তিনি গীতা জ্ঞান এমনই শুনিয়েছিলেন যে সারা সাগরকে যদি কালি বানাও, আর সারা জঙ্গলকে যদি কলম বানাও তাও তা লেখা যাবে না, আর তারা গীতা কত ছোটো বানিয়ে দিয়েছে। গীতা লকেটেও থাকে। খুবই মূল্যবান জিনিস তাই না। গীতার ওপর মানুষের এতটাই ভালোবাসা আছে। বাবা এতো ছোটো সোনার কৌটোতে ভরে উপহারও দিয়েছিলেন। এখন তোমরা বুঝতে পারো যে জ্ঞানের সাগর অথৈ জ্ঞান দেন আর অন্ত পর্যন্ত দিতেই থাকবেন। আমরা এতো মুরলী একসাথে করতে পারবো কি? এ তো রেখে দেওয়ার জিনিস নয়। শাস্ত্র ইত্যাদি তো ভক্তিমার্গের কাজে আসে আমরা যা লিখি তা আর কি কাজে আসবে! কোথায় আমাদের ২ - ৪ হাজার মুরলী, আর কোথায় তাদের কোটির আন্দাজে গীতা রচিত হয় বিভিন্ন ভাষায়। সর্ব শাস্ত্র শিরোমণি গীতার অনেক মান। মানুষ তো গীতা শাস্ত্র কত পড়ে থাকে। বাবা বোঝান যে - এই জ্ঞান যা তোমরা পাও, তা সম্পূর্ণ নতুন। এর তো কোনো বই নেই। ভগবান কিভাবে রাজযোগ শেখান। এ এখন তোমরা ব্রাহ্মণরাই জানো। তোমাদের মধ্যেও এই জ্ঞানের নেশায় থাকা মানুষ খুবই কম। আজ এই নেশায় থাকে, কাল আবার ভুলে যায়। বাবাকে ভুলে যায় তাই জ্ঞানও ভুলে যায়। বাবাকে তালুক দিলেই সব শেষ। বাবার হয়ে যদি বিকারে যাও তাহলে দম বন্ধ হয়ে যাবে, কিছুই আর বলতে পারবে না। যারা আগে খুব ভালো প্রচার করতো তারা এখন আর নেই। কোনো কোনো ব্রহ্মাকুমার - কুমারীদের মধ্যে মতভেদ হলে তখন বাবার ওপরই রুষ্ট হয়ে যায় যে বাবা একে বোঝাচ্ছে না বা এই করছে না। অবশেষে রেগে গিয়ে পড়াই ছেড়ে দেয় তাই বাবা বলেন, মাহামূর্খ কাউকে দেখতে গেলে এখানে দেখো। তারা লিখেও দেয় যে বাবা আমি আপনার। আপনার থেকেই আমরা অবিনাশী সুখের আশীর্বাদী বর্ষা নেবো। তারপর আবার তালুক দিয়ে দেয়। ডিভোর্স দিয়ে দেয়। খুব ভালো ভালো বাচ্চারা আজ আর এখানে নেই, এ তো আশ্চর্য, মায়া অজগরের পেটে চলে গেছে। তখন মুখে কিছুই আর বলতে পারে না। এই অবিনাশী জ্ঞান আর শোনাতেও পারে না। তখন বাপদাদার রায়ের ওপর টীকা - টিপ্পনী করতে থাকে। অনেক বোঝানো হয় যে নিজেকে পাল্টাও, এতেই তোমাদের কল্যাণ। কিন্তু শুধরায় না। অনেক ভালো ভালো বাচ্চাই চলে গেছে। এখনো এমন অনেক বাচ্চা আছে যারা কিনারায় দাঁড়িয়ে আছে। এমনকি রক্ত দিয়ে প্রতিজ্ঞা করেও তারা ছেড়ে দেয়। বাচ্চাদের তো বাবার সম্পূর্ণ শ্রীমতে চলে বাবার থেকে পুরো আশীর্বাদী বর্ষা নিতে হবে।

বাবা বোঝাতে থাকেন -- যা কিছুই হোক না কেন, দুঃখ - সুখ, স্তুতি - নিন্দা আদি যেই করুক না কেন, তোমরা পড়া ছেড়ে দিও না। কেউ কারোর নিন্দা করেই থাকে কারণ বুদ্ধিতে তো জ্ঞানই নেই। জানেই না যে এ হলো ছোটো ভাই বা বড়। এ তো বাবাই জানে। তোমরা অতি চালাক হয়ো না। মায়া বড়ই চঞ্চল। যারা দেহ - অভিমানে থাকে তাদের মাথা একদম মুড়িয়ে দেয়। বাবা

বাচ্চাদের সাবধান করতে থাকেন । শ্রীমতে না চললে মায়া যে কোনো জায়গা থেকেই আঘাত করতে থাকবে । এ থোড়াই কোনো সাধারণ সংসঙ্গ ।

তোমরা কত ধৈর্য সহকারে বসে বোঝাও । এই সৃষ্টির চক্র কিভাবে ঘোরে । কেমনভাবে তোমরা স্বদর্শন চক্রধারী হয়েছো । বাবা বলেন ব্রাহ্মণ কুলভূষণ হলো এই স্বদর্শন চক্রধারী । শঙ্খ, চক্র, গদা, পদ্মধারী তোমাদের বলা হয় । বাবা কি বলবেন যে দেবতাদের মহিমা নিজের বাচ্চাদের দিয়ে রেখেছি । বাবা বলেন, হে স্বদর্শন চক্রধারী ফুলের সমান পবিত্র হওয়া, হে গদাধারী - বাবা এইভাবে বোঝান । দুনিয়া এর কি জানে । বলে যে সবার সঙ্গতিদাতা একজনই । এই প্রশস্তি কীর্তনও করে যে জ্ঞান অঞ্জন সত্ত্বগুরু দিয়েছেন (যার দ্বারা তিমির অন্ধকারের নাশ হয়েছে).....অর্থাৎ ব্রহ্মার রাত শেষ হয়ে এসেছে । জ্ঞান সূর্য প্রকট হয়, তখন ব্রহ্মার রাত সম্পূর্ণ হয় এবং দিন শুরু হয় । পরমপিতা পরমাত্মা ব্রহ্মার দ্বারা এই নতুন জ্ঞান দেন । আগে তো তোমরা কিছুই জানতে না । না আত্মাকে, না পরমাত্মাকে, না রচয়িতাকে, না তাঁর রচনাকে । সম্পূর্ণ তুচ্ছ বুদ্ধির হয়ে ছিলে । তোমাদের কি বানিয়েছিলাম । তোমরাই একদিন স্বর্গের মালিক ছিলে । তারপর ৮৪ জন্ম নিতে নিতে শেষ তো একদিন আসবেই । এখন তোমাদের উত্তরণ কলা । বাবা বলেন যে আমাকে স্মরণ করলেই তোমরা এই বিশ্বের মালিক হতে পারবে । আমাদের বিবেকও বলে ...পরমপিতা পরমাত্মা হলেন স্বর্গের রচয়িতা, তাহলে আমরা স্বর্গে নেই কেন ! মানুষের বুদ্ধিতে এই কথা আসে না যে ভগবান এই নতুন সৃষ্টি স্বর্গের রচনা করেছিলেন, যেখানে দেবী দেবতা রাজত্ব করতেন । ৫ হাজার বছর আগে স্বর্গ ছিলো । এখন আবার ভগবান এসেছেন স্বর্গের স্থাপনা করতে । এইকথা বুদ্ধিতে বসে গেলে অহো সৌভাগ্য । মায়া এমনই যে কিছুতেই পুরুষার্থ করতে দেয় না । নাক ধরে ঘুষি মেরে একদম বেহাশ করে দেয় । এ তো বক্সিং । বাবা বলেন মায়া এক সেকেন্ডেই ফেলে দেয় । এক সেকেন্ডেই জীবনমুক্তি থেকে জীবনবন্ধে এসে পড়ে । বাবাকে তালুক দিয়ে দেয়, সব শেষ । নিশ্চিত হও -- এই বাদশাহী নাও । সংশয় হলেই শেষ । এ বড় আশ্চর্যের খেলা । বাবা বলেন অমৃতবেলায় উঠে বিচার সাগর মন্থন করো আর তো সারাদিনে সময়ই পাওয়া যায় না । রাতে তো বায়ুমণ্ডল খারাপ থাকে । মানুষ ভক্তিও ভোরবেলা উঠেই করে । তোমরা বাচ্চারা জানো যে বাবা একটা বা দুটোর সময় উঠে মুরলী লিখতেন, যা তোমরা পড়ে তারপর ক্লাস করাতে । তখন বাবা বসে শুনতেন যে কেমনভাবে মুরলী চালায় । এ সব তো শিববারারই কামাল ছিলো । কতো ভালো ভালো বাচ্চা ছিলো, সব চলে গেছে । আজ আর নেই । মায়া একদম শাপগ্রস্ত করে দিয়েছে । বাবা তো আশীর্বাদী বর্সা দিচ্ছেন । তাই বাচ্চাদের সম্পূর্ণ পুরুষার্থ করে আশীর্বাদী বর্সা নেওয়া উচিত । ভালো করে নিজেও বোঝো । বাবাও বোঝে । বাবার হাত ছেড়ে দেয় । সবাই বলবে তোমরা বি.কে ছেড়ে দিয়েছো । তোমরা তো নিশ্চিত ছিলে যে তোমরা বেহদের বর্সা পাচ্ছিলে তারপর কি হলো যে মুরলীও শোনো না । তাহলে তো বাবাকেও স্মরণ করবে না । এরপর এই স্মরণ ইত্যাদি সবই উড়ে যায় । এমন দুর্গতির হাল যেন কোনো বাচ্চাদের না হয় । বাবা তো বুঝতেই পারেন যে -- এই বাচ্চা খারাপ হয়ে গেছে । ভালো ভালো বাচ্চারাও সঙ্গদোষে খারাপ হয়ে যায় । বাবা বলেন যে ফার্স্টক্লাস বাচ্চাই বিজয় মালার মণি হতে পারে । কোনো কোনো বাচ্চা লেখে যে, বাবা আমি আপনার মালার মণি অবশ্যই হবো । বাবা তো বলেনই, তোমরা হও -- অহো সৌভাগ্য । বাবাও চাল - চলন দেখে বুঝে যাবেন । সেবা দেখেই বাচ্চাদের বিশ্বাসযোগ্যতা, আজ্ঞাবহতা সিদ্ধ হয় । অতি মিষ্টি হতে হবে । সম্মুখে বসে শুনলেই বৈরাগ্য আসে । তখন এমন আর কখনোই করবে না, এমনই করবে । কিন্তু এখান থেকে বাইরে বেরোলেই সব শেষ । সব ভুলে যাও । কত আশ্চর্যের কথা ।

বাবার তো দিন রাতই খেয়াল চলতে থাকে। প্রজেক্টরে গোলা এতো বড় দেখানো উচিত যে মানুষ যেন দূর থেকেই ভালোভাবে পড়তে পারে। বড় দেয়ালে যেন বড় করে দেখা যায়। যেন পরিষ্কার বোঝা যায়। এক একটি চিত্র স্লাইড থেকেও যেন এতো বড় দেখা যায় যেন সামনে থেকেও যে কেউই পড়তে পারে। দুটো গোলাও যেন বড় দেখা যায়। এখান থেকে ভক্তিমার্গ শুরু হয়। প্রথমে থাকে অব্যভিচারী ভক্তি, পরে হয় ব্যভিচারী ভক্তি।

এই ব্রহ্মা হলো শিববাবার সুপুত্র সন্তান। ব্রহ্মার কাছে প্রশ্ন জিজ্ঞেস করা হলে তিনি কোন্ জবাব দিতে পারবেন না? যদিও শিববাবা তো সবই জানেন কিন্তু আমিও তো বোঝাতে পারি। বাবা তো আমাকেই তাঁর ডান হাত বানিয়েছেন। তিনি কিছু তো অবশ্যই বুঝেছিলেন। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত।
রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) অমৃতবেলায় উঠে বিচার সাগর মন্ডন করতে হবে। কখনোই সংশয় বুদ্ধি হয়ে, সঙ্গদোষে এসে পড়া ছেড়ে দিও না।

২) মালার মণি হওয়ার জন্য বিশ্বাসী এবং আশ্রয়বহ হতে হবে। নিজের চাল - চলন রাজকীয় রাখতে হবে। অতিমাত্রায় মিষ্টি হতে হবে।

বরদান :- বুদ্ধিকে ব্যস্ত রাখার বিধির দ্বারা ব্যর্থকে সমাপ্ত করে সদা সমর্থ হও।

সদা সমর্থ অর্থাৎ শক্তিশালী সেই হতে পারে, যে বুদ্ধিকে ব্যস্ত রাখার বিধিকে আপন করে নিতে পারে। ব্যর্থকে সমাপ্ত করে সমর্থ হওয়ার সহজ বিধি হলো - সর্বদা ব্যস্ত থাকা। তাই রোজ সকালে যেমন স্থূল দিনচর্যা বানাও তেমনই নিজের বুদ্ধিকে ব্যস্ত রাখার টাইম টেবিল বানাও যে এই সময় বুদ্ধিতে এই সমর্থ সংকল্পের দ্বারা ব্যর্থকে শেষ করে দেবো। বুদ্ধিকে ব্যস্ত রাখলে মায়া দূর থেকেই ফিরে যাবে।

স্লোগান :- দুঃখের এই দুনিয়াকে ভুলতে গেলে সর্বদা পরমাত্ম প্রেমে মগ্ন হয়ে থাকো।